

Мемлекеттік мүлікті республикалық меншіктен коммуналдық меншікке берудің кейбір мәселелері туралы

Қазақстан Республикасы Үкіметінің 2017 жылғы 10 ақпандағы № 50 қаулысы

"Мемлекеттік заңды тұлғаларға бекітіліп берілген мемлекеттік мүлікті мемлекеттік меншіктің бір түрінен екіншісіне беру қағидасын бекіту туралы" Қазақстан Республикасы Үкіметінің 2011 жылғы 1 маусымдағы № 616 қаулысына сәйкес Қазақстан Республикасының Үкіметі **ҚАУЛЫ ЕТЕДІ:**

1. Жалпы құны 456960000 (төрт жүз елу алты миллион тоғыз жүз алпыс мың) теңгені құрайтын, 2015 жылғы "Астана - жаңа қала" арнайы экономикалық аймағының № 2 индустриялық паркі инфрақұрылымдық жоспарының жер пайдалану жоспарын жасау бойынша ұсынымдары бар есеп республикалық меншіктен "Қазақстан Республикасы Инвестициялар және даму министрлігінің Инвестициялар комитеті" мемлекеттік мекемесінің теңгерімінен Астана қаласының коммуналдық меншігіне берілсін.

2. Қазақстан Республикасы Қаржы министрлігінің Мемлекеттік мүлік және жекешелендіру комитеті Қазақстан Республикасы Инвестициялар және даму министрлігімен және Астана қаласының әкімдігімен бірлесіп заңнамада белгіленген тәртіппен көрсетілген мүлікті қабылдау-беру жөніндегі қажетті ұйымдастыру іс-шараларын жүзеге асырсын.

3. Осы қаулы қол қойылған күнінен бастап қолданысқа енгізіледі.

Қазақстан Республикасының
Премьер-Министрі

Б. Сағынтаев